

746

Bosna i Hercegovina
Federacija Bosne i Hercegovine
KANTON SARAJEVO
MINISTARSTVO UNUTRAŠNJIH POSLOVA
UPRAVA POLICIJE
SARAJEVO

Broj: 02/5-1-02-2-1854

Datum: 02.04.2019. godine

SKUPŠTINA KANTONA SARAJEVO
n/r predsjedavajućeg, gosp. Konaković Elmedin-a

PREDMET: Poslaničko/zastupničko pitanje Šahman Bilsene, odgovor – dostavlja se;

VEZA: Vaš akt br. 01/05-3581-101/19 od 04.03.2019. godine;0

Aktom veze, policijskom komesaru Ministarstva unutrašnjih poslova Kantona Sarajevo, dostavljeno je zastupničko pitanje koje je na 5. Radnoj sjednici Skupštine Kantona Sarajevo, u okviru tačke Dnevnog reda "Poslanička/zastupnička pitanja, inicijative i odgovori", postavila zastupnica Bilsena Šahman. Imenovana zastupnica je tražila od policijskog komesara MUP-a Kantona Sarajevo, dostavljanje podataka o broju činovanih policajaca u proteklih pet godina, a posebno ratnih veterana koji su u činu „Policajac“ otišli u penziju, bez mogućnosti da napreduju, te se pita kako je moguće da policajci cijeli radni vijek provedu i odu u penziju, a da nisu uspjeli dobiti nijedan drugi čin, da su ostali na činu „policajac“.

U vezi navedenog, dostavljamo podatke o broju činovanih policijskih službenika koji su u posljednjih pet godina, u skladu sa odredbama Zakona o policijskim službenicima Kantona Sarajevo („Sl. novine Kantona Sarajevo“, br. 25/06 i 4/08), kao i odredbama Pravilnika o proceduri za unapređenje policijskih službenika br. 01-786/10 od 07.10.2010. godine i br. 01-605/13 od 01.10.2013. godine i Pravilnika o internom objavljivanju slobodnih radnih mjesta br. 01-625-2/06 od 08.12.2006. godine, unaprijeđeni u viši čin.

Tokom 2014. godine:

- u čin „stariji policajac“ unaprijeđeno je 50 policijskih službenika;
- u čin „narednik“ unaprijeđen je 31 policijski službenik;
- u čin „stariji narednik“ unaprijeđeno je 6 policijskih službenika;
- u čin „mlađi inspektor“ unaprijeđeno je 24 policijskih službenika;
- u čin „viši inspektor“ unaprijeđeno je 6 policijskih službenika;

Tokom 2015. godine:

- u čin „stariji policajac“ unaprijeđeno je 81 policijski službenik;
- u čin „narednik“ unaprijeđeno je 28 policijskih službenika;
- u čin „stariji narednik“ unaprijeđeno je 21 policijski službenik;
- u čin „mlađi inspektor“ unaprijeđeno je 18 policijskih službenika;
- u čin „inspektor“ unaprijeđeno je 20 policijskih službenika;
- u čin „glavni inspektor“ unaprijeđen je 1 policijski službenik;

Tokom 2016. godine:

- u čin „stariji policajac“ unaprijeđeno je 22 policijskih službenika;
- u čin „samostalni inspektor“ unaprijeđeno je 6 policijskih službenika;

Tokom 2017. godine:

- u čin „stariji narednik“ unaprijeđeno je 37 policijskih službenika;

Tokom 2018. godine, te početkom 2019. godine okonačne su procedure u kojima je:

- u čin „narednik“ unaprijeđeno 92 policijskih službenika;
- u čin „stariji narednik“ unaprijeđeno 10 policijskih službenika;
- u čin „mlađi inspektor“ unaprijeđeno 117 policijskih službenika;
- u čin „inspektor“ unaprijeđeno 73 policijskih službenika;
- u čin „viši inspektor“ unaprijeđeno 41 policijskih službenika;
- u čin „samostalni inspektor“ unaprijeđeno 13 policijskih službenika;
- u čin „glavni inspektor“ unaprijeđeno 6 policijskih službenika;

Nadalje, u posljednjih pet godina za 11 policijskih službenika sa činom „policajac“, po službenoj dužnosti ili po zahtjevu policijskog službenika, doneseno je rješenje o prestanku radnog odnosa, zbog navršenih 40 godina penzijskog staža.

Smatramo bitnim istaći da se unapređenje policijskih službenika u viši čin vrši isključivo prema smjernicama i u proceduri propisanoj Zakonom o policijskim službenicima Kantona Sarajevo, u skladu sa propisom o proceduri unapređenja koji donosi ministar na prijedlog policijskog komesara.

S tim u vezi, u skladu sa navedenim Zakonom, Pravilnikom o proceduri za unapređenje policijskih službenika br. 01-786/10 od 07.10.2010. godine i br. 01-605/13 od 01.10.2013. godine, Pravilnikom o internom objavljivanju slobodnih radnih mjesta br. 01-625-2/06 od 08.12.2006. godine, provedene su sve procedure unapređenja u viši čin.

Međutim, imajući u vidu da se postupak unapređenja provodi radi popune radnih mjesta sistematizovanih Pravilnikom o unutrašnjoj organizaciji, a u skladu sa brojem upražnjenih radnih mjesta u određenom činu, da u postupku unapređenja u viši čin može učestvovati samo policijski službenik koji se prijavio na interni oglas za unapređenje i koji ispunjava kriterije za unapređenje, to se ne može smatrati propustom organa odn. Komisije za unapređenje, ako je policijski službenik „otišao u penziju“ u činu „policajac“, obzirom da je pored objektivnih kriterija koje policijski službenik treba ispunjavati, bitan i subjektivni faktor – prijava policijskog službenika za unapređenje.

Nadalje, propisi na osnovu kojih se provodi procedura unapređenja ne poznaju termin „ratni veteran“ niti se o istom vodi službena evidencija, ali policijski službenici koji su uzeli učešća u oružanim snagama BiH u periodu '91-'95. godina kao pripadnici MUP-a ili Armije BiH, u proceduri unapređenja imaju mogućnost da, ukoliko smatraju svrsishodnim, navedeni podatak iznesu prilikom procjene biografije (tokom procjene profesionalnih sposobnosti i intervjua), s tim da posebno vrednovanje navedene činjenice u postupcima unapređenja, nije propisano.

Imajući u vidu da je unapređenje policijskih službenika u viši čin uslovljeno brojem radnih mjesta koja su upražnjena, zatim voljom policijskog službenika da se prijavi na interni oglas i učestvuje u proceduri unapređenja, kao i ispunjavanjem kriterija za unapređenje (vrijeme provedeno u prethodnom činu, najmanje ocjenu „dobar“ za svoj rad u prethodne tri godine, da se protiv policijskog službenika ne vodi krivični ili disciplinski postupak za težu povredu službene dužnosti, da unapređenje nije suspendirano pravosnažnom disciplinskom

sankcijom, a za određene više činove mora imati položen interni ispit i odgovarajući stepen školske/stručne spreme), to nije isključena mogućnost da neki policijski službenici tokom radnog odnosa nisu napredovali i nisu unaprijeđeni u viši čin.

**za POLICIJSKOG KOMESARA
NAČELNIK SEKTORA KRIMINALISTIČKE POLICIJE
Glavni inspektor**

Milorad Bašić

DOSTAVITI:

- Naslovu;
- a/a.